



9
4186
22



賜
和
日
下
作
贈
奇

傳家寶

紳瑜人情世事須知
修身齊家要法

揚州石成金天基訂集

人要多福全在知受享。人要多壽全在惜精神。不知受享

雖有福而虛度不惜精神雖有壽而自
虧然須以德行統之否則每致磨折也

平安即是福。功德即是壽。知足即是富。適情即是貴。

悟透此四句
是我真彼假

心無憂慮。就是逍遙佛祖。身無病痛。就是快活神仙。

無憂無病
都要自致

傳家寶

瑜

利

門 口 9
號 4186
卷 22

為聖賢的妙法。只在一點仁心。為豪傑的妙法。只在

一腔義氣。全在以仁義存心。

人有極夫之福。纔肯讀書。書能知道理。書能重綱常。書能啟聰明。書能廣識見。

書能取功。各書能保身家。人須熟讀於胸中。真享極大之福。

清閒無事。坐卧隨心。雖淡飯粗衣。自然有一段佳趣。

紛擾不寧。憂患纏身。雖錦袍玉食。只覺得萬般愁

苦。有一種人。本是无事。却自尋出多事來。都因没福消受也。

從極迷處識迷。則到處俱醒。將難放處竟放。則萬境

俱寬。極妙工夫。

身安不如心安。有一人身甚勞苦。心却安閒。有一人身甚安閒。心却勞苦。孰是孰非。高人

當自能辨。

心寬強如屋寬。心思窄狹。雖住高堂大厦。亦不能寬快也。

休怨我不如人。不如我者尚眾。休誇我能勝人。勝如

我者還多。須看遠大些。自己已有許多受用。

不可乘喜而輕諾。不可因醉而生嗔。不可乘快而多

事。不可因倦而鮮終。誤事成害。往往如此。

居不必無惡隣。會不必無損友。惟能自持者。兩得之。
見善人。效之。見不善人。改之。善不善。皆吾師也。

凡事韜晦。不獨益已。抑且益人。凡事表暴。不獨損人。

抑且損已。要學人口。兩利之法。

人只把不如我者較量。則知自足。若能知足。即享大福。

遇不韻之言行。須當簡默。恐以恢諧生怨也。易犯。切戒。

開口譏誚人。是輕薄第一件。不惟喪德。亦足喪身。大害。

不實心。不成事。不虛心。不知事。自益。極大。

有作用者。器宇定是不凡。有受用者。才情決然不露。

自警法。又是知人法。

志不可墮。心不可放。要緊工夫。

不近人情。舉世皆畏途。不察物情。一生俱夢境。可惜。虛生。

我有功於人。不可念。而過則不可不念。人有恩於我。

不可忘。而怨則不可不忘。涉世第一法。

凡橫逆之來。先思所以取之之故。即得所以處之之

法。不可便動氣。動氣徒為自損。

凡人語及所不平。氣必動。色必變。辭必厲。惟韓魏公則不然。說到小人忘恩負義。欲傾已處。氣象和平。如說尋常事。明於人情。即具此度量。

變化氣質。居常無所見。惟當利害。經變故。遭屈辱。平

時忿怒者。到此能不忿怒。憂惶失措。到此能不憂

惶失措。纔是能有得力處。亦便是用力處。全在學識。

天下惟五倫施而不報。彼以逆加。吾以順受。有此病

自有此藥。不必較量。少有較量。便是不知倫理。

胸中只擺脫一戀字。便十分爽淨。十分自在。人生最

苦處。只是此心沾泥帶水。明明知得。却不能斷割

都是自尋苦惱

隨緣二字。極有意味。能體之者。有許多自在安穩。世

人欲享和平之福。終身受用此二字。不盡。大安樂法。

清福上天所吝。而習忙可以銷福。清名上天所忌。而

得謗可以銷名。知此則雖忙雖謗。俱不怨尤矣。

切不可聽人之言而隨和之。須要自巳斟酌。

吾本薄福人宜行厚德事。吾本薄德人宜行惜福事。

這二十個字一生受用不盡。但人只為薄福薄德不肯自認。是以暴殄奢淫風俗尤不可不家懸一通。

聞人善則疑之。聞人惡則信之。此满腔殺機也。急須改換。

靜坐。然後知平日之氣浮。守默。然後知平日之言躁。

省事。然後知平日之費閒。閉戶。然後知平日之交

濫。寡欲。然後知平日之病多。近情。然後知平日之

念刻。須要事事體。驗過來。

偶與諸友登塔絕頂。謂云。大抵做向上人。洪要士君

子鼓舞。只如此塔甚高。非與諸公乘輿覽眺。必無

獨登之理。既上四五級。若有倦意。又須賴諸公憇

憊。此去絕頂不遠。既到絕頂。眼界大地。位高。又須

賴諸公提撕。齟齬。跬步。少差。易至傾跌。只此便是

做向上一等人榜樣也。然雖如此。全要自己。河上的念頭。立得真。

男子有德便是才。女子無才便是德。壞句的確。

一念之善。吉神隨之。一念之惡。厲鬼隨之。知此可以

役動鬼神。一善便先天而天不違。何況鬼神乎。

士君子盡心利濟。須要海內人少他不得。自然上天也。少他不得。卽此便是立命。若做官的。與地方痛癢不關甚。且生事擾

民百姓反恨地方上多了他。這便是棄天。

與其得罪於百姓。不如得罪於上官。但恐不肯。

名利壞人。雖三尺童子。盡皆知之。但好利之弊。使人

不復顧名。而好名之過。又使人不復顧君父。世有

妨親命以潔身。訕朝廷以賣直者。是可忍也。敦不

可忍也。真是大錯。

宦情太濃。歸時過不得。生趣太濃。死時過不得。甚矣

有味於淡矣。怎奈濃得不長。

清苦是佳事。雖然。天下豈有薄於自待。而能厚於待

人者乎。如一條窄路。自己挨身。不過別人如何走得。

士大夫當有憂國之心。不當有憂國之論。老成識見。

賢人君子。專要扶公論。正易之所謂扶陽也。正氣相合。

甌甌子每教人養喜神。止菴子每教人去殺機。此二

言。皆吾之師也。只是善為主宰。

奢者不特用度過侈之謂。凡多視多聽多言多動皆

是暴殄天物。奢字
妙解

讀書不獨變人氣質且能養人精神蓋理義收攝故

也。也須揀讀
有益好書

初夏五陽用事于乾為飛龍草木至此以為長旺然

旺則必極至極而始收斂則已晚矣所以邵子云

牡丹含蕊為盛爛熳為衰月盈日午有道之士所

不處焉。看得
透徹

乘舟而遇逆風見揚帆者不無如念彼自處順於我

何關我自處逆於彼何與究竟思之都是自生煩

惱天下事大率類此。何苦自
尋煩惱

救荒不患無奇策只患無真心真心即奇策也。為官
臨民

一切興利除害為人積德
一切扶危救難都是如此

捏造歌謠不惟不當作亦不當聽徒損心術長浮風

耳若一聽之則清淨心田中亦下一不淨種子矣

造謠捏謗揚俗且有以此及
官長者人情惡薄深可浩歎

吾不知所謂善但令人感者即善也吾不知所謂惡

但令人恨者即惡也這總是真善真惡

青天白日。和風慶雲。不特人多喜色。即鳥鵲且有

音。若暴風怒雨。疾雷閃電。鳥亦投林。人亦閉戶。乖

戾之感。至於比乎。故君子以太和元氣為主。此涉世妙

法。暴戾之人讀之。汗下。急當改悔。

前人責人善者。隱惡而揚善。所以與人同歸於善。今

人責人善者。是已而非人。所以與人皆陷於惡。至言

談笑言論常防識者在傍。如此提防。自然謹言。

有穿麻服白衣者。路遇吉祥喜事。相與牽而避之。勿

令相值其事。雖小。其心則厚。一切諸事。俱當以此好心。腸推而廣之。

好談閨門。及好談亂者。必為鬼神所怒。非有奇禍。必

有奇窮。因其心中隱惡。必致天誅也。

水到渠成。瓜熟蒂落。此八個字。受用一生。知此即得大自在。

小人專望人恩。恩過不感。君子不輕受人恩。受則難

忘。存心不同。

羅仲素云。子弑父。臣弑君。只是見君父有不是處耳。

若一味見人不是。則兄弟朋友妻子。以及於僮僕。

雞犬到處可憎。終日落填火坑。中如何得出頭。

地乃曰。每事自反。真一帖清涼散也。人當真怒時。自己見得自

已。也有三分不是。其氣自平。奈今人只不肯反頭自覷。

處富貴之地。要知貧賤人的痛癢。當少壯之時。須念

衰老人的辛酸。此博文公之家傳至言。

對失意人。莫談得意事。處得意時。常想失意事。周旋世務。

事有急之不自者。寬之或自明。毋躁急以速其忿。須

從人有操之不從者。縱之或自化。毋操切以益其

頑。須要

惟正足以服人。文靖公涉世法。

君子涉世。惟在善治小人。太上消之。其次容之。忍之。

與之爭。則最下矣。老到見識。

忍亦有辯。畏勢而忍者。不足為忍。無可畏之勢而忍

者。是名為忍也。忍字總明。

害人之心不可有。防人之心不可無。此戒踈於慮也。

寧受人之欺。毋逆人之詐。此警傷於察也。二語並

存。精明而渾厚矣。明哲人定。然渾厚。

毋道人之短。毋說己之長。施人慎勿念。受施慎勿忘。

此崔子玉座銘。真高人高見。

炎涼之態。富貴更甚於貧賤。妒忌之心。骨肉更甚於

外人。此處若不當之以冷眼。御之以平氣。鮮不日

坐煩惱障中矣。全要識透。

自戰百勝。不如一忍。萬言萬當。不如一默。黃山谷心法。

以石觸絮。兩無傷焉。柔勝也。以石觸石。脆者不免。剛

勝也。此道惟老氏能之。須要勉學。

少言沉默。最有益。養神氣。免忌怨。

朽株頑塊。世人不珍。露才揚己。復為世嗔。在世間做

有用人處。世人做無用人。不恃才能。就是有用人。

天下無難處之人。只用三個。必自反。天下無難處之

事。只消兩個。知之何。何難之有。

受人之恩雖深不報。怨則淺亦報之。聞人之惡雖隱不疑。善則顯亦疑之。此乃刻之極薄之尤也。須切戒之。這樣慘刻人。大有惡報。

浮議雖不足恤。亦可以恐懼修省。藉以自警。

危崖之石先傾。掉枚之葉先落。萬物惟平可以長久。

平字最妙。要妙知曉。

不自重者取辱。不自畏者招禍。不自滿者受益。不自是者博聞。吉凶悔吝無有不由已者。總是自致。

一願識盡世間好人。二願讀盡世間好書。三願看盡

世間好山水。眉公曰。盡則不能。但身到處莫放過

耳。有大願人。每當面錯過。

世路風霜。吾人鍊心之境也。世情冷暖。吾人忍性之

地也。世事顛倒。吾人修行之資也。世人不可無此磨鍊。

只說自己是者。其心粗而氣浮也。且多譏議。

不責人小過。不發人陰私。不念人舊惡。真是妙人。可以

養德。又可遠害。

泛交則多費。多費則多營。多營則多求。多求則多辱。

語不云乎。以約失之者鮮矣。當三復斯言。釋交。儉用。

晦翁云。天地一無所為。只以生萬物為事。人若念念

在利濟。便是天地矣。故曰。宰相日日有可行的善

事。只是當面踉過耳。人俱如此。不獨宰相。

人生一日。或聞一善言。見一善行。行一善事。此日方

不虛度。所以每口裡要替自己一查算。

後輩輕薄前輩者。往往促壽。何也。彼既賤者。天豈以

賤者贈之。後句可讀此是召感之理。

有一言而傷天地之和。一事而折終身之福者。切須

檢點。仔細存想。

靜坐以觀念頭起處。如主人坐在堂中。看有甚的人

來。自然酬答不差。仔細察看。

富貴家莫術。術則不長。聰明人莫刻。刻則不壽。

世亂時。忠臣義士尚思做個好人。幸逢太平。復爾溫

飽。不思做好人。更何為也。人焉可借。

曾見賢人君子而歸。乃猶然故。吾者其識趣可知矣。

他原不曾見。怪他不得。

得意而喜。失意而怒。便被順逆差遣。自己何曾做得

主。馬牛為人。穿着鼻孔。要行則行。要止則止。不知

世上人。一切差遣得我者。皆是穿我鼻孔者也。自

朝至暮。自少至老。其不為馬牛者幾何。哀哉。說到穿鼻

不覺噴飯。

出言要思省。則思為主。而言為客。自然言少。慎言如法。

士大夫不貪官。不受錢。一無所利濟。以及於人。畢竟

非天生聖賢之意。蓋潔己好修德也。濟人利物。功

也。有德而無功。可乎。功德二字。講得明白。

薄福者必刻薄。刻薄則福更薄矣。厚福者必寬厚。寬

厚則福更厚矣。厚薄都是自作自受。

儒佛爭辯。非惟儒者不讀佛書之過。亦佛者不讀儒

書之過。此兩家皆交淺而言深。相爭的便不是真儒真佛。

人不可自怨。亦不可令人怨我。况求人怨我。原不可多得。

金帛多只是博得臨死時子孫眼淚少不知其他知

有爭而已金帛少只是博得臨死時子孫眼淚多

亦不知其他知有親而已每見富貴家子孫互相爭奪甚有許訟者只是

這幾兩銀子要費去尋貧窮也

閉門即是深山讀書隨處淨土全在人能領會

說人所必不從求人所必不與強人以甚不便制人

以必不甘君子須蚤見豫待毋當境愧屈臨事周

章知此則無愧屈之虞

待富貴人不難有禮而難有體待貧賤人不難有恩

而難有禮待富貴人有體易待貧賤人有禮難夫窮愁下士趨造勢庭求一見而不可得

即得見而昂首伸足箕踞萬狀不可逼視嗟乎謙恭相接冷煖同觀未數數見也

覺人之詐不形於言受人之侮不動於色此中有許

多意味又有許多受用好氣象不但遠愁且可厚德急宜學不可少懈

蘇東坡與人相處不問賢愚貴賤和氣藹然常曰我

心平易上下陪玉皇下可陪田夫乞兒好氣象急宜學

人有不及可以情恕非意相干可以理遣得大快樂

禮義廉恥。可以律已。不可以繩人。律已則寡過。繩人

則寡合。不獨寡合。且招誘生。怨此文統公最妙法。

兩人相非。不破家亡身不止。只回頭認自己一句錯。便是無邊受用。兩人自是。不反面稽唇不止。只溫

語稱人一句是。便是無限懽忻。熟透人情。

書曰。謙受益。滿招損。是以陽明先生嘗以傲字戒人。曰。今人千罪百惡。皆從傲字上來。傲則自高自是。不肯下人。子不孝。弟不悌。臣不忠。只是一傲字。便

結果了一生。極大罪惡。更無救解處。傲之反為謙。

謙字便是對症良藥。故堯舜之道。只是謙到至誠

處。便是允恭克讓。溫恭允塞也。從來傲字。壞了多。少人。昂急須改悔。

攻人之惡。毋太嚴。要思其堪受。教人以善。毋過高。當令其可從。大是。

休與小人為讐。小人自有對頭。休向君子諂媚。君子

厚無私惠。快心之論。

疑人輕已者。皆內不足也。何必疑此。

可愛之物勿以求人。易犯之愆勿以禁人。難行之事

勿以令人。體貼人情世事

人如負我。我何與。我如負人人有詞。真是長者

忌成樂敗。何預人事。徒自壞心術耳。成敗有數。忌樂癖甚。

人好剛。我以柔勝之。人用術。我以誠感之。人使氣。我

以理屈之。天下無難處之事矣。何人處不得。

自己猶不能快自己意。如何要人盡快我意。自己猶

不能知自己心。如何要人盡知我心。如此情理。便不煩惱。

恩讐分明四個字。非有道者之言也。無好人三個字。

非有德者之言也。信此二語。便成不得長厚。

完名美節。不宜獨任。分些與人。可以遠害全身。辱行

污名。不宜全推。引些歸己。可以韜光養德。見識高。

孔子去周。老聃送之。曰。聰明深察而近於死者。好譏

議人者也。博辯闕遠而危其身者。好發人之惡者

也。孔子曰。敬受教。此係家語。金人錄祖此。

說得千般明曉。不如行得一字到底。此陳宗閣最妙心法。

面諛之辭。知之者未必感情。背後之議。啣之者嘗至

刻骨熟諳人情。

凡一事而關人終身。縱實見實聞。不可着口。凡一語

而傷我長厚。雖閒談酒話。慎勿形言。存心切記。功德無量。

聞人過失。如聞父母之名。耳可得聞。口不可得言也。

此馬援訓兒語也。戒口莫說他人短。自短何曾說與人。

遇沉沉不語之士。且莫輸心。見悻悻自好之人。應須

防口。全要知人。

喜時之言多失信。怒時之言多失體。須要檢點。免致後悔。

親戚故舊。當厚密時。不可盡以私事語之。一旦失歡

彼且挾而中我矣。我以真率待人。不意人心易變。則我之真率。反成自害矣。不可

不慎。失歡之時。毋出絕言。不獨傷我厚道。且恐既平

之後。更與通好。則前言可愧。與人絕交。不出惡言。

十語九中。未必稱奇。一語不中。則愆尤駢集。十謀九

成。未必歸功。一謀不成。則訾議叢興。君子所以寧

默毋躁。寧拙毋巧。老成闕。歷之見。

言有盡而意無窮者。天下之至言也。是以語貴含蓄。

有神。蘇東坡一生得意。惟得此數句之妙。

反已者。逆耳皆成藥石。尤人者。開口即是戈矛。幸人毀者。德日崇。好毀人者。德日損。

以誠為終身行已之要。而其行之也。自不妄語始。得法

已無言責。聞人談論。但且虛受悅服。慎勿鋒起求勝。

詳究取捨。在我而已。氣象和美。人不怨憎。

不能謹於始。必當悔於終。能悔者。猶救得一半。謹始方能令終

福莫福於少事。禍莫禍於多心。惟苦事者。方知少事

之為福。惟平心者。始知多心之為禍。天下本無事。庸人自擾之。

人無不好富貴。不知富貴二字。豈是容易享受其上

以道德享之。其次以功業當之。統以學問識見。駕

馭之。不然。雖得富貴。何能安享。是以君子當此。每

兢兢以守之。業業以保之。非慮富貴之去也。懼福

害隨之也。有功名富貴之人。遠近怨妒。覬覦者。往往甚多。不知此保守。不取辱。則取禍。自

然之勢。但薄福之人。妄自尊大。妄自放肆。雖有功名富貴。亦不能享也。

親友中有顯貴者對人頰言必招鄙誚更有虛言欺人者更為可鄙妻雖賢不可使與外事僕雖能不可使與內事木許多待下固當和而無節反生其侮惟和而莊則人自

愛而畏

禦下良法

遇事和易處之必無債事

應世要法

事未至先一着事既至後一着高見

生事事生省事事省柔遜護身之本剛強惹禍之因

首二句一反一正次二句一正一反雖有四句只重在正義二句雖有正義二句其實只重在省事

柔遜四字只須依此四字一生即討許多便宜又受許多安樂

凡事不為已甚此中道也亦已甚不得過猶不及

增一事寧減一事多一言寧少一言最有用

要知留侯每事不犯手欲行其術托之黃石公欲庇

其身托之赤松子欲定儲又托之商山四皓正英

雄善藏其用也乖人善藏其用便是大做手

吉人無論作用安詳即夢寐神魂總是和氣凶人無

論行事狠戾即聲音笑語總是殺機都在自取

做事最宜熟思緩處要知熟思則得其理。緩處則得

其當。應事妙法。

前人有言行百里者半九十。此言令終之難也。真確。

天下之事。緩則得。忙則失。先儒謂天下甚事。不因忙

後錯了。一切言動都要安詳。十差九錯只為慌張。

春至時和。花尚鋪一段好色。鳥且轉幾句好音。今幸

逢盛世。復遇溫飽。不思立好言行好事。雖是在世

百年。恰似未生一日。切莫虛度。

福不可激。養喜神。以為召福之本而已。禍不可避。去

殺機。以為遠禍之方而已。尋到禍福源頭。自得避趨之法。

地之穢者多生物。水之清者常無魚。世人當存舍垢

納汙之量。不可恃好潔獨行之操。涉世最妙良法。

圖未就之功。不如保已成之業。悔既往之失。不如防

將來之非。此洪自誠最妙心法。極確極當。

天地之氣。暖則生。寒則死。所以性氣清冷者。受享亦

涼薄。惟和氣熱心之人。其福自厚。其澤亦長。必然之理。

人驕則志昏。志昏則計短。應酬一切。驕最害事。

無愧於事。不如無愧於身。無愧於身。不如無愧於心。

無口過易。無身過難。無心過易。無心過難。要嚴誅心法。

行遇刃者必避。食遇鴆者必捨。懼害已也。麗色藏劍。

厚味腊毒。則不之察。愚矣哉。泰山石上鐫於愚二字。讀此曉然。

學者能甘貧。則凡一切浮雲外物。俱不足為累。能改

過。則可以日新而進於善。大抵過失多於不能安

貧中來。不能安貧。皆慾念為之累也。所以寡慾即

以寡過。貧而能安。則寡過矣。

小人亦是天地所生。決無盡滅之理。但當正己。令其

自服。尤須虛心。令其自平。一涉矜激。便觸出許多

不肖來。仁心委曲。

為人要忠厚。若刻削。則不肖子孫應之矣。勢所必然。

與人相處。當隨事方便。提撕開其迷惑。其功甚普。如

管寧與人子言孝。與人臣言忠。與人弟言悌。因事

導人於善。此尤獨善以善人之事也。導人於善。善量始滿。

與其爲無益以求冥福不若爲有益以濟生人要資德

爲善者當先去其希望之心勉行數事即思責效邀

福之心一生非自悔即終衰不至搖落無成不成

也。世人通病切須記戒

善人不善人之師不善人之資。老子妙語

老來疾病都是壯時招的衰後罪孽都是盛時作的

是以有識之人當持盈履滿之際尤須加意兢兢

若到悔時悔已遲矣所以須要預慎

善人未能急親不宜預揚恐來說謔之奸惡人未能

輕去不宜先發恐招媒孽之禍。識見最高

惡忌陰善忌陽所以惡之顯者禍淺而隱者禍深善

之顯者功小而隱者功最大。妙

心爲子孫之根根好枝葉必茂而且榮。全要培根

居官有二語曰惟公則生明惟廉則生威居家有二

語曰惟恕則情平惟儉則用足。銘心四字

事到行不去時只索變通。見機

建功立業者。多虛圓之士。債事失機者。必執拘之人。

做一切事。執拘不得。

事不見機。必至取敗。是以行事阻於時勢。可休即休。

慎勿依回。以啗必遂。全要見機而作。

諸事皆留個有餘不盡的意思。便造物不能忌我。鬼

神不能損我。若業必求滿。功必求盈者。不生內變。

必召外憂。

功成名遂而不善終者。皆不留餘地所致。

凡事從厚。培植甚遠。大受用。

天薄我以福。我厚我德以迓之。天勞我以形。我逸我

心以補之。天阨我以遇。我修我學以待之。天心仁

愛。求有不憐而佑我也。盡其在我。必邀天眷。

鋤奸杜倖。要放他一條去路。若使之一無所容。譬如

塞鼠穴者。一切去路都塞盡。則一切好物俱咬破

矣。識見高遠。

貧不能濟物者。遇人痴迷處。出一言提醒之。遇人急

難處。出一言解救之。便是無量功德。事極易。德極大。

爲人若無一點真懇的念頭。便成個花子。事事皆虛矣。涉世若無一段圓活的機趣。便是個木人。處處有碍矣。應世要法。

說親友失德過舉。不如述前人嘉言懿行。既可示人以標榜。又可免我之口過。兩利之法。

爲善不見其益。如草裡東瓜。自應暗長。爲惡不見其損。如庭前春雪。當必潛消。爲善如春園之草。日見其長。爲惡如磨刀之石。

口見其消。

聞惡不可就惡。恐爲讒夫洩怒。聞善不可就善。恐引

奸人進身。都要細加察實。

都是眼前事。知足者仙境。不知足者凡境。總出世上

因。善用者生機。不善用者殺機。全由自致。

世人只因認得我字太真。遂多種種嗜好。種種煩惱

要知前人有云。不復知有我。安知物爲貴。又云。知

身不是我。煩惱更何侵。真破的之言。人情世事。修

認得太真。堯夫云。日日所云我。而今又是誰。不知今日我。又屬後來伊。常作是觀。便可解胸中蘊矣。

美酒飲教微醉後。好花看到半開時。花看半開。酒飲微醉。此中大有

佳趣。若至爛熳。酪酊便成惡境矣。履滿盈者須思之。

子生而母危。鏹積而盜窺。何喜非憂也。貧可以節用。

病可以保身。何憂非喜也。所以達人當順逆一視。

而欣戚兩忘。這總是高明人見解。

若想錢而錢來。何故不想。若愁米而米至。人亦當愁。

曉起依舊貧窮。夜來徒多妄想。不獨貧窮人而富貴人更甚。都是自

尋愁煩。殊不知一飲一啄。俱有數定。人常安分聽命。落得心中許多快活。

凡國家禮文制度法律條例之類。若能熟觀而深考

之。則有以應酬世務。而不戾乎時宜。如任已見事多不當。

能言未是真君子。善處方為大丈夫。敏於事而真於言。

犯而不校。最省事。要學大量。

張飽帆於大江。驟駿馬於平陸。天下之至快。反思則

憂。處不爭之地。乘獨後之馬。人或我嗤。樂莫大焉。

淺見人。那裡知道。

以言譏人。取禍之大端。以度容人。集福之要術。勿宜。

處世讓一步為高退步即進步的張本待人寬一分

是福利人實利己的根基。都是白討便益。

富貴人要寬厚聰明人要欽藏。富貴人宜該寬厚若反為忌刻是富貴而

貧賤其行矣如何能享聰明人宜該欽藏若反為炫耀是聰明而憍懂其病矣如何不敗。

奢者富而不足何如儉者貧而有餘能者勞而多怨。

何如拙者逸而全真。人只學得儉拙二字大有受用。

世態炎涼古今皆然須當淨拭冷眼慎毋輕動剛腸

剛腸極惹禍害

屈已者能處眾好勝者必遇敵。勢所必然情所必至。

欲常勝者不爭欲常樂者自足。見解最高。

此身常放在閒處榮辱得失誰能差遣我此心安

在靜中是非利害誰能瞞昧我。這總是我有主宰。

與人言須要和氣從容如氣忿則不平色厲則取怨

和氣從容乃待之最妙之法時刻不可少。

恐懼者修身之本。事前恐懼則畏畏則免禍事後恐

愚者殺身常存恐懼受益甚大。

於其有譽於前。孰若無毀於其後。與其有樂於身。孰若無憂於其心。輕重分辨甚明。此昌黎實受心法。不可不知。

剖去胸中荆棘。以便人我往來。此是天下第一個快

活世界。先要其此識量

遇詭詐之人。變幻百端。不可測度。吾一以至誠待之。

彼術自窮。山鬼伎倆有限。老僧不答無窮。

凡情留不盡之意。則味深。凡興留不盡之意。則趣多。

諸事不可務盡。予屢見人以留餘二字。名齋軒堂屋者。意在如此。

強人以難行之事。吾心何安。汚人以不美之名。吾心

何忍。不獨自己長厚。且免他人怨恨。

凡遇不得意事。試取其更者。譬之。心地自然涼爽矣。

此降火最速之藥。知此妙法。長享快樂。

富貴家受貧賤人禮物。以為當然。殊不知幾費設處

而來。即一筴一絲。宜從厚速答。須要體恤其難。

使人敢怒而不敢言者。便是損陰德處。隨事皆然。當

權尤甚。彼則欣然得意。殊不知人怒既多。天怒必及矣。

盛喜中不可許人物盛怒中不可答人簡言多失信

怒時之言多失禮之義其盛怒時亦不可會賓客

好便宜者不可與共財多狐疑者不可與共事全要識人

文慈子孝。兄友弟恭。縱做到極處。俱是合當。如是看

不得一毫感激念頭。如施者任德。受者懷恩。便是

路人。便成市道矣。天理人情之應該也

事親者當菽水承歡。子欲養而親不在。雖椎牛以祭

墓。何如鴉豚之逮親存也。全要親在時竭力孝養

子弟寧可終歲不讀書。不可令其一日近小人。與小人相

交習成下流為害甚大。最難救援

局量寬大。即住三家村裡。光景不拘。智識卑微。縱居

五都市中。神情亦促。都在自己之智量高大

觀人於臨財。觀人於臨難。觀人於所忽。觀人於酒後

知人好友只此四法

凡親友中有口出仁義之言。慣嫌他人之慨者。急宜

遠之。其存心必不可問

治民禦下犯法者可恕侮法者不可恕須看他有心

恕無心誤犯者可恕

待下徒恩則驕驕則不用命有恩無威慈母不能令其子

凡有過不宜狡飾如狡飾則觸人之怒認過則無過

事有常變履常思變理有經權用經達權活機在心

不賞則鼓勵無權不罰則教令不行今不行則事不成須賞罰貴當

凡事不敗於剛斷每敗於幽柔幽柔最誤事不斷更害事

機未足宜畜事暴至宜忍極頂初閱

無所欲則無所累少一欲則少一累多一欲則多一累

不圖便宜不得喫人虧不求人自然不怨人許多失手處都

因好便宜而來

待下有四語容其過誅其故恤饑寒嚴法度禦人妙訣

讀書不熟不足為慮講書不明終身無益要知讀書止求明不

求熟蓋未有明而不熟者

作文之法要心細如毛胆大如天心不細文無理路

胆不大文無力量要知胆大須從學問中來

聞辱而怒。含畜不深。縱報必淺。聞辱而笑。心機難測。

報必不輕。知得切當

以儉勝貧。貧忘。以施代侈。侈化。以果去累累。消。以逆

鍊心。心定。秘法心傳

靜可坐。不可思。悶可對。不可獨。勞可酒。不可食。醉可

卧。不可淫。飽可行。不可卧。依此數語。可以却病。可以延年。

氣收。自覺怒平。神歛。自覺言簡。容人。自覺味和。守靜

自覺天寧。自求多福

處事不可不直捷。存心不可不寬舒。持己不可不嚴

明。與人不可不謙和。涉世妙法。四語已盡。

不說人非。厚道也。不辯己非。高見也。須要習熟。

過分求福。適以速禍。安分遠禍。將自得福。不可過分。

我不害人。人不我害。人之害我。由我害人。召感之理。

婦人之言。不可聽。婢妾之言。尤不可聽。婦女見淺。婢妾更甚。

看得世事透。自然不重功名。認得當下真。是以常尋

樂地。總是高人。

對富人訥貧。起彼借貸之疑。對勢家誇富。動彼貪得

之謀。凡平常言談之間。如訥窮為之哭窮。窮將至極。如誇富為之賣富。富必不久。俱當切戒。

對病夫勿言其死。對貧人勿言已廉。言雖無意。聽者

必厭。即如對失意人。不談得意事。諸事皆然。何必討憎。

起造房屋。須有條理。只要堅固緊接。不取廣大浮華。

人少屋廣。為之宅妖。乃衰敗之象。

行合道理。不下自吉。行悖道理。縱卜亦凶。人當自卜。

不必問卜。諸事惟以理定。

凡遇權要人。聲勢赫然。切不可犯其鋒。亦不可與之

狎。敬而遠之。全身全名之道也。當其聲勢。誰敢不

即敗。若不避其鋒。譬如舟中風波。恐難保其不溺也。

光明正大之人。所作所為。任他人之可否。不與世較

者。處心無愧怍也。惟以理定。不與人議。

能明佛理。自不為邪說所誘。理明則不惑。

排難解紛。實行門中第一義。見人構鬪間。能以一語

和人骨肉。其福無量。極大陰德。

待有餘而後濟人。必無濟人之日。待有暇而後讀書。

終無讀書之時。切莫姑待

處富貴。勿聽僕隸之言。值貧賤。勿信妻孥之計。恐妻

孥之計短。而僕隸之言貪且險也。見得明切

人有必不得已事。便須早做。日捱一日。未必後日之

能如今日也。因循最害事

君子絕交。不出惡聲。棄妻不彰其過。去國以微罪行。

於所惡者如此。其於所親者可知矣。何等長厚

不邀人敬。不受人慢。大抵情不可過。會不可數。抑情

以止。慢疎會以增敬。然後相交可久。交友妙法

不為過三字。昧却多少良心。沒奈何三字。抹却多少

體面。不可犯此六字

小人固當遠。然亦不可顯為仇敵。免至為害君子固當親。

然亦不可曲為附和。免至遺訛

人只言人心難料。不知自心更難料。人只言人心不

平。不知自心更不平。識得自心。方可說人心。

酒不顧身。色不顧病。財不顧親。氣不顧命。當其未儻。

誰不明知。亦能勸人。亦能自解。及當境界。仍復昏

迷。但稱暗昧之人。多是聰明之士。聰明反被聰明誤。

暗裡算人。算的是自己兒孫。空中造謔。造的是本身

罪惡。稟然可畏。訟師尤甚。

事在人為而成之者。天福從天降而召之者。人事所

不能為者。天命也。事所能為者。天理也。命所能制

者。人欲也。命所不能制者。人道也。註得明切。

成名每在窮苦日。敗事多因得意時。窮苦則專攻。得意則驕肆。

人於外物奉身者。事事要好。只有自家一個身與心。

却不要好。若得外物好時。却不知自己身與心。

先不好了。不知輕重。

淫人妻女。天必報於妻女。此理如操券。斷斷不爽。且

驗之甚速。切須記戒。勸君莫借風流債。借得便宜還得快。家中自有還債人。你

要賴時他不賴。眼前債主能寬待。頭上原中偏利害。賣妻還債有何妨。適你賣妻心不賣。

利可共而不可獨謀。可寡而不可衆。獨利敗衆謀泄。

婚姻論財究也夫婦之道喪埋塋求福究也父子之

恩絕婦凌其夫者恃於富也子露其父者惑於地也

久利之事勿為衆爭之地勿往物極則反害將及矣

要有先見之明

人承復父之遺衣食無缺此大幸也使當讀書守志

安分經營若家貧亦惟勤學立行為鄉黨重自有

為之地而不思自立是自絕其生路矣真可惜

能改過則天地不怒能安分則鬼神無權都要自致

輕財足以聚人律已足以服人量寬足以得人身先

足以率人全在自已

貧賤時眼中不着富貴他日得志必不驕富貴時意

中不忘貧賤一旦退休必不怨識得透徹

天下無不好諛之人所以諛術不窮世間盡是善毀

之輩所以諛路難塞識得透解得切

不到極逆之境不知平日之安不遇至刻之人不知

忠厚之易不經難處之事不知適意之巧歷後方明

大丈夫可以一出而振人之厄。一言而解人之紛。此

亦不必過自退避。但因以為利。則市道矣。莫做自了漢。

待小人宜寬。防小人宜嚴。不寬則積怨。不嚴則被害。

青樓翠館之遊。不但有關行止。此中不潔者。十有其

九。一染其毒。不獨毀傷面目。亦且毒種生育。慎之

哉。予親見梅毒致死者甚多。又見毒流胎元者甚多。尚不知戒。是自尋天絕。

奴僕小過宜寬。若法應朴責。即當處分。不可憤憤作

不了語。恐愚人危懼。致有他端。御示下要法。

成大業。致大名。決非逸豫可得。必自刻苦中來。若自

刻苦中來。須有圓木驚枕之意。乃可。諸事皆然。讀書尤甚。

學之不進。都由於因循。因循二字。耽誤一生。犯此病者極多。

讀書貴知要。做人貴知竅。扼機心法。

若識得名節之隄防。詩書之滋味。稼穡之艱難。即是

好人。怎奈他專不知此。所以日流污下。

學識未有不由謙虛進者。德業未有不由困衡成者。

若不習熟。何能向上。

文由於積學。福由於積德。各有來因。

說探頭話。往往結果不來。不如俾後再說。敏於事而慎於言。

鄰家有喪不可快飲高歌。對新喪人不可劇談大笑。

不獨自心不安。且惹人怨恨。

人有輕於稱貸。雖重息亦欣然者。非流蕩不知事人。

即預存不償之心。斷斷勿予。不肯以我之儉。省送彼浪用。

自謙則人愈服。自誇則人必疑。我蒸可以平人之怒。

氣。我貪必至啓人之爭端。是皆存乎我也。與人何尤。

居心不淨。動輒疑人。人自無心。我徒煩擾。言多憂慮。

遇有疑難事。但據理直行。得失俱可無愧。凡問卜求

籤。皆甚渺茫。驗與不驗。恭半不可恃也。總為有識。

遊顯貴之門。諂固可恥。傲亦非宜。總不如蕭然自適。

人只安分。即受多福。

奸人難處。而迂人亦難處。要知奸人詐而好名。其行

事有酷似君子處。迂人執而不化。其決裂有甚於

小人時。我先別其為人。則處之之道得矣。全要明辨。

遠方來歷不明。如術士山人輩。每有大奸竄伏其中。

不可輕與交往。卽窮人欲投靠爲僮僕者。亦不可

收。杜害妙法。或有以大名利誘人者。切不可輕信。

責人無已。却每事自寬。是以聖賢望人。而以愚不肖

自待。如此爲作可發一大笑。

見人耳語。不可竊聽。恐其所言避我。又恐正值議我

短長。聞之未免動意。且使彼人慚愧。有識有量。

該做道學事。不必自道學腔。裝模做樣。反不是真道學。

少年時。每鬱鬱不樂。自亦不解何意。以今思之。只是

妄想爲擾耳。富貴本無窮盡。但須隨時安分。便是

安樂妙法也。要知人心原是不足的。

言之當慎。正在快意時。遇快意人。說快意事。值快意時。則言

不及檢。遇快意人。則言無所忌。說快意事。則言不自覺。所以更當慎也。

動。不如靜語。不如默顯。不如藏。取不如捨。記不如忘

巧。不如拙。實益皆爲我得。淺人那裏知曉。

喜傳語者。不可與語。好議事者。不可圖事。謹慎

忠孝是我家至寶經書是我家良田

宋杜孟普州人遊太學因重貫

蔡京用事憚然而歸嘗以寶田訓子時號為寶因杜氏子妄為添改數字附此

論理要精詳論事要剴切論人須渾厚

精詳則不介於疑似剴切

則不近於浮夸渾厚則不流於苛刻

不可乘喜而多言不可乘快而多事須有包含則有

餘味發露太盡恐亦難繼

人能內自思省則凡事必能收斂語言必能簡

默自不至輕浮淺露一發無餘也

大聰明人小事必朦朧大朦朧人小事必伺察蓋伺

察乃朦朧之根而朦朧正聰明之窟也

識得透徹

真正英雄都從戰戰兢兢臨深履薄做出來血氣粗

鹵一毫用不得

若是粗鹵即非英雄

為惡而畏人知惡中猶有善念為善而急人知善處

即是惡根

洞見隱微

欲人勿聞莫若勿言欲人勿知莫若勿為

事作於人所不見必

發於人所共見即或人不能知天地鬼神如何瞞得

事事順我意而言者小人也急遠之

近則多害

密交定有夙緣非以雞犬盟也。中斷知其緣盡寧關

萋菲間之。知隨緣二字。自無欣戚。

人之多輕揚者。中無所有也。如空船浮於水面搖搖

靡定。盛載愈多。則愈覺沉重矣。譬得確實言。行身心皆然。

造謗者甚忙。受謗者甚閒。果非其謗。聽其謗耳。落得快活。

人之於妻也。宜防其蔽子之過於後妻也。宜防其誣

子之過。此熟諳人情之言。天下未有不正於妻而能正其子者。故曰刑於寡妻。

不交不可知之人。自無不可知之禍。能積實可據之

德必有實可據之福。禍福每日致。

常有小不快事。是好消息。若事事快心。即有大不快

心者在其後。知得此理。可免怨尤。每每應驗。

輕與者必濫取。易信者必多疑。理所必然。

處事要斬截存心。要寬舒持已。要嚴明待人。要謙和

此四語涉世之法。已悉。不可不時時熟習。

要知自己是好人。壞人。只於五更頭睡醒時。檢點思

想的是甚麼。便見得。善惡一分。因果即定。

富貴之家常有窮親戚來往。便是忠厚。

輕諾者必寡信。與其不信。不如不諾。諾而不信。誤人事情。極招怨尤。

僕輩搬弄是非。往往骨肉知交。致傷和氣。有嘗試者。

直叱之。令不敢言。後則不復來矣。又有小人喜談是非。不可輕信。

志不同者。不必強合。比勉強之事。必不能久。要知人情。

無義之人。不得已而與之居。須要外和吾色。內平吾

心。庶幾不及於禍。但得已。急遠之。

謙美德也。過謙者多詐。默懿行也。適默者藏奸。識到極處。

與人相爭。只可就事論事。切不可揚其陰事。此禍關

殺身。非獨有傷長厚已也。深求者。大壞事。

一坐之中。有好彈射人者。切不可形之於口舌爭論。

惟當端坐沉默。以銷之。此之謂不言之教。強似語訓。

嗜慾正濃時。能斬斷。怒氣正盛時。能按捺。此皆學問

得力處。却足自計便宜。

有聰明而不讀書。有權力而不濟人利物。辜負上天

篤厚之意矣。既過而悔。又何及耶。深為可惜。

倚勢凌人。恃智愚人。猶如登冰山。自謂身高。但恐太陽當空。冰山消釋。則身落泥塗。置足無所矣。願以爲戒。倚勢不能終身。

行一件好事。心中泰然。行一件歹事。衾影抱愧。卽此便是天堂地獄。自己原是分明。

大凡聰明之人。極是誤事。蓋惟聰明。生意見。意見一生。便不忍捨割。往往溺於愛河。慾海者。皆是極聰明之人。若能識破愛慾。不爲沉溺。纔是真聰明人。

已情不可縱。當用逆法制之。其道在一忍字。人情不

可拂。當用順法調之。其道在一恕字。忍字恕字。受用不盡。

少年人。聰明太露。如花之千葉者。無實。若再開口出刻薄尖刺語。及形容人者。不獨無實。恐防根朽矣。

全在培養根本。自然長久茂盛。

家人離。多由婦女。婦人隙。多出點婢婦。勿聽婢語。男

勿惑婦言。雍睦其可漸敦乎。遏流不若止源。

接下之言。須要簡當。不可冗長。對一切親友之言。俱不可冗長。

學者第一先要收心。如果心地清明。然後五官百骸

方為我用。否則志氣昏惰。功無可進矣。全要主翁在家

勿以人負我而墮為善之心。當其施德。但自行我心

之所不忍耳。未嘗責報也。縱遇險徒。止付一笑。施恩

望報反成怨毀

交財一事最難。雖至親好友。亦須明白。寧可後來相

讓。不可起初含糊。語云。先明後不爭。財上分明大丈夫

勢到七八分即止。如張弓然。過滿則折。要知進退

經云。煩惱妄想。憂苦身心。便遭濁辱。流浪生死。常沉

苦海。蓋煩惱皆因妄想而成。人能屏除一切妄想

只順受目前境界。便富貴也安。貧賤也樂。極妙安樂法

心苟無事。則息自調。念苟無欲。則中自守。這總是調養真功

上天勞我以少。逸我以老。如少年懶惰。是不知當勞

也。老年奔競。是不知當逸也。皆謂之逆天。逆天則有害

倚勢欺人。勢敗而人欺我。恃財侮人。財散而人侮我

財勢不長。實自欺侮。切須謹戒。

善人如璞玉。惡人如椎鑿。玉不經椎鑿終不成器。凡

毀我者乃成我也。奈今人不知所以多怨尤。

孝弟忠信禮義廉恥。此八字。是八個柱子。有八柱。纔

能成屋。有八字。纔能成人。世俗罵下流壞人為忘八。若忘一二字。尚且不

可。何況多乎。

起家之人。未有不始於勤。其後漸流於荒惰。深可惜

也。起家之人。未有不成於儉。其後漸廢於侈靡。深

可惜也。慎勿廢時。慎乃儉德。惟德永圖。

富盛時。須要惜福。窮衰時。須要守分。惜福安分。貧富俱不可少。

凡人為子孫計者。皆思創立基業。然不有至大至久

者。在乎捨心地而田心。捨德產而房產。已失矣。况

惟利是圖。自損陰陽。欲子孫永享。豈可得乎。用心大錯。

才不宜露。勢不宜恃。享不宜過。人能含蓄退遜。留有

餘不盡。自有無限受用。有福人總肯從。

凡有舉動。先須細想。非有益於己。則有益於人。二者

了無所益。則勿為也。凡無益之事。念亦莫起。

人家務宜蓄積以防不虞。若或借債行商勢必賣田還債。若或賒錢造屋勢必賣屋還錢。如纏身之癩醫之不痊。無底之坑填之不滿。自尋貧窮。

有福有智能勤能儉。創家者也有福有智不勤不儉。

享成者也無福無智不勤不儉。敗家者也。分得明切。

向者辯今者訥。向者躁今者靜。向者多事今者省事。

向者易怒今者忍辱。此皆昔非今是也。全要悔過知非。

饑來喫飯困來眠。此常理也。饑不喫飯而以酒多奪

之困不安眠而以思慮奪之。未有不喪生者也。能知

此理則可却病延年。

和其聲而言之。則問者喜。厲其聲而言之。則問者怒。

讒人者不待易人之言。只就其言厲其聲而告之。

則聞者必為之動矣。得世情之至理能知此法。凡出語言諸人皆可和悅矣。

人生於世未有不勞心力者。或勞心而不勞力。或勞

力而不勞心。若不勞心又不勞力。乃餓草無用之

人也。年老人方可安逸。

食。在家者也。食粗而無人知。衣飭外者也。衣弊而人

必賤。所以善處貧者。節食以完衣。不善處貧者。典

衣而市食。口吃千般無人知。衣服藍襖被人欺。

人在病中。百念灰冷。雖有富貴。欲享不得。反羨貧賤

而健者。是以人能於無事時。常作病想。一切名利

之心。自然掃去。養心妙法。

家長知禮。男女勤儉。雖衰門亦必有興。其一時之貧

富。未足論也。已具好根。發旺可待。

智者不與命鬪。不與法鬪。不與理鬪。不與勢鬪。君或強問。

辨不敗壞。全在度量力。

古之學者。得一善言。附於其身。今之學者。得一善言。

務以悅人。試一內省。附身也未。

禽獸受孕。則不再交。人乃無期無度。亦將於此謂禽

獸得氣之偏。人得氣之全。可乎。人反不如。

做個好人。個個說好。這便是揚名顯親。若做壞事。人

人唾罵。這便是亡身辱親。各要勉。修好人。

天地人爲三才。此人字。關係最重。必須念念合天地。始可參而爲三。否則雖人而禽獸矣。人莫自看輕了。

綱常倫理認得真。酒色財氣看得破。布帛菽粟守得定。只此就是天地完人。何須別探學問。這總是真學。

嗜酒者多痰滯。好色者多癆瘵。貪財者多橫死。尚氣者多膈噎。四者極有應驗。世間之富於財者。多自矯強取來。惟矯強必悖天理。天理一悖。

而其心死矣。是以每多橫死。言須要遜。遜則免禍。行須要嚴。嚴則遠侮。

鬼神視人之所爲。如在黑暗處。看燈光處。人在燈光下。不知黑暗處。有窺之者。又有一種人。更在黑暗處作惡。只以人不能見。殊不知鬼神看得更真。報應更速。

子不可待父慈。而後孝。弟不可待兄友。而後恭。堂上之語。宜尊。室中之言。莫聽。四句當銘於心。

耳目見聞爲外賊。情慾意識爲內賊。只是主人翁。惺惺不昧。獨坐中堂。賊便化爲家人矣。工夫有二。病不入無記。則

人妄想人能學得惺惺不昧。便可超凡久聖。

人欺未必是辱。人怕未必是福。淺人視之則為辱為福。

世路中人。或圖功名。或治生產。儘自正經。爭奈天地

間好風月。好山水。好書籍。了不相涉。豈非枉却一

生。明達人自當偷閒領受。

人生在世。無一刻不是緣。無一人不是緣。只好隨緣

度日。何必強生分別。若生分別。自尋煩惱。

人大言。我小語。人多煩。我少記。人悻怖。我不怒。淡然

無為神氣自滿。是養性妙法。

仁人心地寬舒。便事事成。個寬舒氣象。韓魏公言生

平未嘗見一不好人。可想其浩蕩境界。人我大益。

治小人寬平自在。從容以處之事。完絕口不言。則小

人無所聞。以發其怒。往往小人記恨害人者多在利口。遍傳。

務博之學。不精好大之願。不副過望之福。不享。心高命不

高反不如心不高者之得便宜。

非無安居也。無安心也。非無足財也。無足心也。人若

安足之心。則隨地隨時都享快樂。

人只宜學吃虧。從古英雄。只爲不能吃虧。害了多小

事。

此林退齋先生臨終訓子語。要知能吃人的虧。總能成事享福。

矜字從矛。伐字從戈。心中如何容得矛戈。可畏。可慮。

德盛者。心中和平。見人皆可交。德薄者。心中刻鄙。見

人皆可訛。靜夜自思。我所許可者多。則德日進矣。

我所未滿者多。則德日減矣。全要自己分別。

事稍拂逆。便思不如我的人。心稍荒怠。便思勝如我

的人。

如此思法。則境界樂學問進。

卒然逢人怒罵之時。一生病痛。有父兄所不及。誠師

友所不及。規者都被和盤托出。此際正須返觀速

改。不可草率聽過。

已過誰肯直說。須於此處領畧。

君子於人。當於有過中求無過。不當於無過中求有

過。

如此。非獨人不怨。且自厚德。

吾人爲學。只要立志。若有困忘之病。亦只是志欠真

切也。今好色之人。未嘗病於困忘者。只是一真切

耳。

予嘗謂門人曰。立志若專。反難爲易。王陽明一生得力。全在此。

萬病之毒皆生於濃。我以一味藥解之曰淡。比一字勝如速

效金丹專治一切牽纏不起之病

涉世六忍法。一忍觸。人犯二忍辱。人凌我也。三忍惡。我也。我憎

四忍怒。憎之重也。五忍忽。憎而發之輕也。六忍欲。貪而不知止也。守此六忍

受大利益。得大自在。

今人事事要好。却於父子兄弟間。都不加意。譬如樹本。根本已枯。雖剪絲為花。不獨並無生氣。且能得

幾日好看。孝弟也者。其為人之本與。

取不義之財。以俱不肖妻兒妄費。以乞權貴苞苴。以

齊設徵福。皆謬用其心者也。晨昏顛倒。

儉之一字。衆妙之門。無求於人。寡欲於己。可以養德。

可以養志。可以養廉。可以養福。儉有許多用。

貪得者無厭。總是一念好奢所致。若是恬淡知足。要

世間財利何用。清風明月不用錢。竹籬茅舍不費

錢。讀書明道不求錢。貪心何自而生乎。我實彼虛。

與民之惠有限。不擾之惠無窮。居官涉世。修身治家。總括此二句。

我無是心而人疑之。於我何與。我無是事而人誣之。

於我何慚。彼徒勞煩。我自怛然。

欲知人之良善而有福者。當於言行忠厚見之。欲知

人之險惡而無福者。當於言行刻薄見之。尤當自勉。

我如為善。雖一介寒士。有人感其德。我如為惡。雖位

極人臣。有人議其過。偽飾不得。

毋以己之長而形人之短。毋以己之拙而忌人之能。

此一病。人所易犯。急須謹戒。

凡事只耐煩做去。自然有成。纔起厭心。便不能得。天

無難事。都因心不專。其不耐煩者。志不堅也。

子生而毋危。財積而盜窺。何喜非憂也。貧可以節用。

病可以保身。何憂非喜也。所以達人當順逆一視。

而欣戚兩忘。理自如是。

德者才之主。才者德之奴。有才無德。即如家無主而

奴用事。鮮不猖狂敗壞矣。全要

甘讓君子。便是無志。不讓小人。便是無量。要辨所讓之人。

寡言擇交。可以無悔咎。可以免憂辱。

涉世妙法

人情反復。世路崎嶇。行不去。須知退一步之法。行得

去。務加讓三分之功。

退讓二字。許多受用。

謝事。當謝於正盛之時。居身宜居於獨後之地。謹德

須謹於至微之事。說話務說於知音之人。

高人一筆。

人前行得出的方可說。人前說得出的方可行。

環句可味。

